

Special

Inventario

Skirbi pa: Calista C. Gunsam van der Linden.

Silencio.....hasta biento a cay
 Cada voz of cualkier otro zonido
 Sea di parha, hende, auto of mashin
 Tur e silencio ta carga y aumente.
 Ni con nos purba ni kico nos haci
 No tin manera pa silencia nos consenshi ,
 E luz di E Dios eterno cu cada alma tin crea den dje.
 Nos mester enfrenta e dia awe como resultado di ayera.
 Sinembargo tin speranza si ..
 Pa erornan cometi tin coreccion posibel si nos admiti.
 Esey ta e bunita di e Caminda Scogi.
 E so ta causa hende cana den e Berdad.
 Si despues di e borachera di boroto cu ta lanta emocionan
 Hiba nan te aya pa demostra grandura di voz di un pueblo
 Dorna tur na tela di colo y otro obhetonan mas.
 Y pa impresiona ainda mas ta "poderoso" den uso di
 Hermentnan manera medionan di "comunicacion" costoso
 tur hunto ta forma e olanan poderoso pa lastra
 ami y abo tur di nos, si nos no ta capas pa hala atras ,
 hala un rosea sambuya bao di e coriente fuerte di e diseñadornan di e
 campaña y Sali na canto pa por analisa
 na un forma obhetivo e intencion di tur esakinan.
 Of nos no mag di ta inteligente y usa nos sinti?
 Kende ta esun pa stop nos di haci esaki?
 Acaso status, titulo, placa of autoridad humano?
of nos carni?
 Nos por lubida cu na fin di tur esaki ta stof nos tur ta ?
 Ta berdad cu mayoria di e pueblo aki ta gusta celebra carnaval na grandi
 Ta berdad tambe cu pa hopi hende tradicion ta "sagrado"...
 Pero tambe ta berdad cu tin cos cu ta cumbini y otro no
 Mescos cu tin un tempo pa cada cos.
 Cada cos tinun prijs cu sea abo of ami porta nos tur hunto tin cu
 paga den cualkier forma cu ta.
 Pasobra ami no kier paga kende cu mi no conoce pa algo cu mi no a
 pidie....
 Tampoco laga otronan dicidi pa mi sin consulta debidamente cu mi
 prome y scucha mi.....
 Pa motibo tambe cu mi no tin mester di promesanan fofu cu ta lagami
 sinti cu bo ta pensa cu si bo yamami humilde bo ta agradami en bes di
 tratami cu respet pasobra apesar cu mi tin menos recurso cu bo mi digni-
 dad ta e rikeza cu Dios a dunami.
 Pesey e ta mi derecho , pa abo y abo y abo y abo y tur di bosonan cu kier
 voto y bo deber, pa tene cuenta cu ne.

Mi dignidad ta worde afecta ora abo y abo y abo y abo y bosonan
 ta.....worde lastra pa keintura di campaña y bira falso ariba otro.....
 papia mahos y lubida cu boso mester ta modelonan pa tur di nos sin
 importa nos posicion social, nivel di educacion of titulo tampoco profes-
 sion y of vocacion.
 Ora den boso afan pa posicion ta lubida kende boso ta "bisa " di kier rep-
 resenta y ta saca pasado bin ariba na forma profesional of no, cu un solo
 meta gana voto?.....
 Of dañu otro?.....Esaki no ta tristo pa un pais cu ta considera su mes
 "christian?"
 Of den campaña, Dios no ta existi, E ta den misa so?
 Of ora bo a studia hopi bo ta asina sabi cu e d di Dios a bira chikito pa
 bo?
 No ta tempo pa tur gobernante , politico y e pueblo henter medita ariba e
 señalnan di e ultimo tempo cu nos por mira aki na nos isla stima?
 E "Fofoti" a sufri daño causa pa rencor y venganza?
 Un mucha muhe ta somenta mientras prome y despues di dje hopi mas a
 worde malusa? Atrobe pa motibo di un par di hende henter nos pais ta
 worde lastra...
 Anto cuanto di nos a biba pensa cu ...e Puente natural , otro simbolo , ta
 bin abao?
 Cu tin hende ta stima y preocupa pa e pais akisi tin.
 Na diferente manera nan a expresa esaki , no ta tempo pa sigui cu wega
 bieu .
 Un era nobo a cuminsa kizas sin cu e mayoria di hende a ripara pero awor
 el a keda manifesta.
 Mientras e buya ta bay calma y emocionnan, danki Dios ta bay baha sano
 huicio lo bolbe funciona den cada un di bon voluntad.
 Ta tempo pa restora nos murayanan ,cu a cay pa falta di conocimiento, pa
 falta di honrades pa falta di mas cu tur, temor pa Dios , pa motibo di
 hamber y sed pa placa y poder .
 Esnan di e bieunan cu a haya un oportunidad mas esaki ta tempo pa cam-
 bio interno den bo mes un paden ,corda cu nos no por mira tur cos pero
 esun cu ta doño di bibo y mortonan si por ,anto e cosnan di e mundo aki
 ,ta pasahero, locual ta bin despues ni ami ni abo por cambia pasobra eynan
 e husticia ta SANTO.
 Anto eynan ningun oficina di abogado por para, solo Cristo y ta pesey tur
 di nos ora nos nombra Su nomber laga nos hacie cu respet y mas cu tur
 laga nos biba cu un actitud di respet pa Dios, pa bo mes y pa otro.
 Hende por ofende nos , hende por defrauda nos laga nos na caya y nos
 tambe por faya pesey ta bon pa medita ariba e resultado di tur e esfuerzo-
 nan haci y no perde e oportunidad pa drecha locual ainda por y pone atras
 locual no ta sirbi anto sigui padilanti y scucha e bos di bo consenshi.
 Ta tempo pa cambio si ,pero pa mihor.